

Bwzguz Hungzginj Cunh:

Cingsaenz Hungzginh Daihdaih Cienz

百谷红军村——红军精神代代传

□ *Lij Haijboh/李海波 Vangz Lenzmyau/黄连妙*

Vunzmbanj nda siengmuengx ciengx bya.

Denzdungh Yen Bingmaj Cin Bwzguz Hungzginh Cunh dieg youq ndawgyang luegdah Dahyougyangh, diegrogsingz yienhsingz Denzdungh. Aenmbanj miz vwnzva lizsij gwzming gig lai, gingjdenj lijyouz saeknding lai cungi lai yiengh; daegsaek swngdhai nungzyez doedmauh, fungsug fungcingz ndawbiengz lajmbanj naekgywg; gingsaek henz Dahyougyangh gyaueudei doenghgi daegdiemj neix, gonqlaeng ndaej dingh guh swcigh gaep gyaeguekcuiji gyauiyuz gihdi caeuq si, yienh dangjyenz ganbu gyauiyuz beizyin gihdi, hagsib Siz Ginbingz cungsiuhgi baenzdaug youqgaenj gangjah cingsaenz gihdi daengj, aeundaerj Swcigh minzcuz doxgiet cinbu senhcin cizdij, Baksak Si seveicuiji lajmbanj moq hwnjguh gohyoz hwnghat cunh(mbanj) mingzsingh, Denzdungh Yen cauxlaeb senhcin ceng'aeu maenhndei senhcin gihcwngz dangjucjiz doenghgi mingzdaeuz ndei neix.

Bwzguz Hungzginh Cunh miz gij conzdungj gwzming gig miznaj haenx, bi 1926, ndaw mbanj miz haujlai bouxcoz camgya gwzming hozdung. Bi 1929, ndaw mbanj gag cujiz le nungzminz hezvei caeuq nungminz swveigh, caemhcaiq laebbaenz Cunghung Bwzguz Cunh Siujcuj, mbeilaux dwk dingjhoenx Gozminzdangj fanjdungbai. Dwng Siujbingz,

Cangh Yinzyiz, Leiz Ginhdenh doengh boux lingjauj Baksak Gijyi neix caemh daengz ndaw mbanj sonyinx gwzming gvaq, caiqlij miz Veiz Bazginz, Yiz Saugez, Veiz Yuzsanh daengj ciengzseiz daengz ndaw mbanj senhconz gwzming lijun. Dangseiz, daengx mbanj 86 ranz vunz, cawz ranz dicuj ndeu le, gizyawz 85 ranz gungh miz 131 vunz camgya cizveigh caeuq hungzginh, ndawde miz 69 boux ndaej bien hauej Hungzcizginh 21 Swh 62 Duenz, 9 vunz camgya Hungzcizginh cangzcwngh bae baihaek, ndawde miz 16 vunz vih saehnieb gwzming Cunguek soengqok diuzmingh dijbauj bonjfaenh. Youq gizdieg miznaj caeuq saenzgeiz neix, lij ganqciengx ok boux ciengginh Cunghvaz Yinzminz Gunghozgoz ndeu—nyuenz Nanzgingh Ginhgi Canghyazbingh swhlingyenz Cuh Hoyinz saucieng. Vunzraeuz gingqcongh aeueiq senhle, caez heuh dieg yinghyungz neix guh “Mbanj Hungzginh”.

Bwzguz Cunh ndaw gyaiq miz 9 aen cunhminz siujcuj, gungh 512 ranz 1850 vunz. Daj bi 2008 gvaqdaej, gij hwnghat ndaw mbanj ndaej bouxlingjauj dangj caeuq guekgya simhoengz gvensim daengz. Vunzmbanj cix ciuq gij vahdaengq caeuq maqmuengh bouxlingjauj bae doxgiet roengzrengz guh, doenggyaq

diegdeih riuzcienj fuengsik yinxhauej gaqbungz ndaemganq gvehoengz, makyungz 200 moux, guhbaenz yiengh vunqsik canjyez daegsaek aeu haexnaz, byaekcou byaekdoeng dajndam guhcawj, ciengx mou, guh diemqgwnngaiz, nungzcanjbinj gyagoeng, hai ci daehhuq doengh gijneix guhbouj haenx, coicaenh nungzyez demhwnj caeuq nungzminz demsou, bi 2015 daengx mbanj nungzminz moix vunz bingzyaenz cinghsouhauej 10038 maenz.

Geij bi neix daej, Bwzguz Cunh haenqrengz ca ndei hong hwnjguh gihcuj sezsih, roengzngaenz 300 lai fanh maenz guh le Laeuzbanhoeng Mbanj Hungzginh, Sigbei Mbanj Hungzginh, Aenranz Baijlied Hungzginh, Roen Hungzginh, Doulaux Mbanj Hungzginh, Hungzginh Lezsw Ginenbeih doenghgi gunghcwngz daiq “hoengz” neix, lij guh le “ranzaw nungzgya”, “funghranz saenqsik nungzyez gohgi” dem, hengz ndei lajmbanj hozcoz yihliuz moq, lajmbanj sevei ciengxlaux baujyienj moq gak hangh cwngcwz ik vunzlai neix, vanzlij laebbaenz le “Bwzguz Hungzginh Cunh Bouxlaux Habciengqduenz” caeuq “Bwzguz Hungzginh Cunh Bouxcungnienz Bouxcoz Vwnzyidui”, hawj vunzlai sim'angq gvaq saedcej ngoenzngoenz cungj vuenyungz.



▲ Aenranz Baijlied Hungzginh.



▲ Gvaq cieng gvaq ciet, ndaw mbanj cungj banh vwnzyi biujyienj.



▲ Vunzmbanj bingzciengz caemh gyaeg guh diyyuz doxdax.



▲ Vunzmbanj dingq dangzgoq hag Siz cungsiuhgi gangjah cingsaenz.



▲ Yawj hauej doulaux ranz moqsup.



▲ Gwnz dan ndaw mbanj baij makgaivaiz gai.



▲ Hagdangz Hungzginh ndaw mbanj.



▲ Ranzsaw nungzgya ndaw mbanj.



▲ Gyoengq vunzlaux Bouxlaux Habciengqduenz lienh ciengq go'nding.



▲ Mbanj moq Bwzguz Cunh.